



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KTO 0018552 21
Sarajevo, 12.12.2022. godine

SUDU BOSNE I HERCEGOVINE
SARAJEVO
-Sudiji za prethodno saslušanje-

Na osnovu člana 35. stav 2. tačka i) i člana 226. stav 1. Zakona o krivičnom postupku BiH,
p o d i ž e m:

OPTUŽNICU

Protiv:

MLADENA CVJETINOVIĆA zvanog „Buldi“, [REDACTED]
rodenog [REDACTED] 1980. godine u Loznici u R Srbiji, [REDACTED]
državljanina Bosne i
Hercegovine i R Srbije, [REDACTED]

ZIJADA DŽINDIĆA zvanog „Đole“, [REDACTED]
rodenog [REDACTED] 1971. godine u Zvorniku, [REDACTED]
državljanina BiH, [REDACTED]

Što su:

U vremenskom periodu od početka 2019. godine do 29.12.2019. godine, s ciljem pribavljanja protivpravne imovinske koristi neovlaštenim prometom oružjem i vojnom opremom na teritoriji Bosne i Hercegovine i Francuske Republike, iako su znali da nemaju dozvolu nadležnog organa za izvoz, prevoz, posredovanje u prometu oružja, a čiji je promet bez dozvole zabranjen ili ograničen Zakonom o kontroli vanjskotrgovinskog prometa oružja, vojne opreme i robe posebne namjene („Službeni glasnik broj 53/16“), **Mladen Cvjetinović, Zijad Džindić**, zajedno sa drugim njima poznatim licima postali pripadnici organizovane grupe ljudi u smislu člana 1. stav 21. KZ BiH, koju je [REDACTED] organizovao sa namjerom međunarodnog prevoza vatrenog oružja i dijelova oružja sa teritorije Bosne i Hercegovine na teritorij Francuske Republike, pa su u realizaciji planiranog djelovanja Grupe, nakon što je organizator [REDACTED] sa znanjem da lica [REDACTED] obavljaju prevoz robe i usluga na relaciji Bosna i Hercegovina – Francuska Republika, sa ovim licima dogovorio prevoz buradi u kojima se nalazi zimnica (zimna salata) u Francusku Republiku, pri tom ih dovodeći u zabludu da se radi o prevozu robe čiji promet nije zabranjen, slijedeći upute organizatora, dana 28.11.2019.godine, u večernjim satima između 22.00 do 00.00 sati, ispred porodične kuće u [REDACTED] općina Zvornik, **Zijad Džindić** preuzeo vatreno oružje i dijelove oružja, koje je radi neometanog i neopaženog transporta bilo umotano u najlonske kese i skriveno u dva plastična bureta sa sadržajem zimnice (zimna salata), a koje mu je organizator [REDACTED] dovezao u PMV marke Audi, registarskih oznaka [REDACTED] i to: Automat Hecler&Koch MP5 A3, kal. 9 mm PARA, fab. broj: [REDACTED] sa metalnim spremnikom, automatsku pušku M70 AB2 kal. 7.62 mm, fab. broj: [REDACTED], automatsku pušku M70 AB2 kal. 7.62 mm, fab. broj: [REDACTED], automatsku pušku M70 AB2 kal. 7.62 mm, fab. broj: [REDACTED], automatsku pušku Type 56 kal. 7.62 mm, fab. broj: [REDACTED], automatsku pušku Type 56-I kal. 7.62 mm, fab. broj: [REDACTED], automatsku pušku AKKS kal. 7.62 mm, fab. broj: [REDACTED], automatsku pušku RM MD.63 kal. 7.62 mm, fab. broj: [REDACTED] u dijelovima i bez sanduka, 3 metalna spremnika za automatsku pušku kalibra 7.62 mm, a po preuzimanju oružje i dijelove oružja držao skriveno na adresi porodične kuće do dana 28.12.2019. godine, kada je po ostvarenom kontaktu sa pripadnikom **Mladenom Cvjetinovićem**, u popodnevnom satima, radi daljeg prevoza oružja i dijelova oružja preko međudržavne granice, kombi vozilom marke Mercedes Vito, plave boje, francuskih registarskih oznaka [REDACTED], zajedno sa drugim njemu poznatim pripadnicima Grupe, burad sa skrivenim oružjem prevezao na lokaciju Crni Vrh, na skretanju za mjesto Snagovo, grad Zvornik, te isto predao licu [REDACTED], kojeg je na osnovu prethodnih uputa organizatora angažovao pripadnik **Mladen Cvjetinović**, prikrivajući ovom licu da se u buradima nalazi skriveno oružje, pa je [REDACTED] burad smjestio u PMV Opel Vectra, karavan, registarskih oznaka [REDACTED], a potom po uputama **Mladena Cvjetinovića** sa kartice telefonskog broja [REDACTED], koju mu je Cvjetinović prethodno obezbijedio i predao, po njegovim uputama stupio u kontakt sa licem [REDACTED] s kojim je organizator [REDACTED] prethodno dogovorio prevoz robe za Francusku Republiku, potom istog dana, u mjestu Miljanovci, predao burad [REDACTED] ispred njegove porodične kuće, da bi dana 29.12.2019. godine, prilikom prevoza putnika na relaciji Bosna i Hercegovina-Francuska Republika, PMV marke VW Crafter, bijele boje, registarskih oznaka [REDACTED], vlasništvo [REDACTED], koji se kretao u pravcu graničnog prelaza Orašje, međudržavne granice Bosne i Hercegovine i R Hrvatske, po saznanju da se u buradima nalazi sakriveno oružje, neposredno prije prelaska međudržavne granice, [REDACTED] isto ostavio na prostoru benzinske pumpe [REDACTED] u Orašju, a koje je istog dana, od strane policijskih službenika pronađeno i to, jedno bure u kanti za smeće, a drugo bure pored kante za smeće, u kojima je pronađeno i oduzeto opisano oružje.

Dakle,

Mladen Cvjetinović i Zijad Džindić, kao pripadnici grupe ljudi prevozili i posredovali u prometu oružja ili vojne opreme, bez dozvole propisane zakonom Bosne i Hercegovine.

Čime su počinili krivično djelo Neovlašteni promet oružjem i vojnom opremom, te proizvodima dvojne upotrebe iz člana 193. stav 1. Krivičnog zakona Bosne i Hercegovine (KZ BiH), sve u vezi sa članom 29. KZ BiH.

**TUŽILAC
TUŽILAŠTVA BOSNE I HERCEGOVINE**